

南陽府志卷之六

知南陽府事元和孔傳金重輯

文志

班史藝文志止叙六經源流及諸子百家篇目次第而不載其書後世郡州縣志所列藝文始載著作蓋以表章忠孝節義之事推明理學性命之原或懸吊古今或宣述政治微言緒論闡發幽潛使後之覽者俛仰前徽因其文之傳而其人其地與之俱傳矣南陽昔僱兵燹所集郡志大都闕畧失次今廣爲蒐輯

約取菁華雖未備觀亦云具體焉爾

議輸晉粟

周百里奚

晉薦饑使乞糴于秦秦伯以問公孫支百里奚對曰
夷吾得罪于君其百姓何罪天災流行國家代有救災
卹隣道也行道有福於是乎輸粟於晉自雍及絳相繼
命之曰泛舟之役

御吳

越范蠡

吳伐越越王欲先吳未發往伐之范蠡諫曰不可臣聞
兵者凶器也戰者逆德也爭者事之末也陰謀萌

甲因器試身於所未上帝禁之行者不利王曰
之矣遂興師敗於夫椒王謂蠡曰以不聽子故至於此
爲之奈何蠡對曰持滿者與天定傾者與人節事者以
地卑辭厚禮以遺之不許而身與之市王曰諾乃令大
夫種行成於吳

上大將軍論法深

漢杜延年

吏縱罪人有常法今更詆吳爲不道恐於法深又丞相
素無所守持而爲好言于下蓋其素行也至擅召中二
千石甚無狀延年愚以爲丞相久故及先帝用事非有

南陽府志 卷之六
大過不可棄也間者民頗言獄深吏爲峻詆今丞相所
議又獄事也如是以及丞相恐不合衆心郡下謹譁庶
人私議流言四布延年竊重將軍失此名于天下也

奏記預定宮制

杜 欽

禮一娶九女所以極陽數廣嗣重祖也必鄉舉窈窕不
尚華色所以助德理內也娣姪雖缺不復補所以養壽
塞爭也后妃有貞淑之行則允嗣有賢聖之君制度有
威儀之節則人君有壽考之福廢而不由則女德不厭
女德不厭則壽命不究於高年言佚欲之生害也男子

五十好色未衰婦人四十容貌改前以改前之貌侍于
未衰之年而不以禮爲制則其原不可救而後徠異態
後徠異態則正后自疑而支庶有間適之禍是以晉獻
被納讒之謗申生蒙無罪之辜今聖主富於春秋未
適嗣方鄉術學未親后妃之議將軍輔政宜因始
隆建九女之制詳擇有行義之家求淑女之質毋
聲色音技能爲萬世大法夫少戒之在色小弁之
爲寒心唯將軍常以爲憂

論亭長受遺

卓茂

人有言部亭長受其米肉遺者茂辟左右問之曰
爲從汝求乎爲汝有事囑之而受乎將平居自以里
遺之乎人曰往遺之耳茂曰遺之而受何故言耶人曰
竊聞賢明之君使人不畏吏吏不取人今我畏吏是

遺之吏旣卒受故來言耳茂曰汝爲敝人矣凡人所

貴于禽獸者以有仁愛知相敬事也今鄰里長老

饋遺此乃人道所以相親況反與民乎吏顧不當

力與請求耳凡人之生群居難處故有經紀禮讓

以教獨不欲修之愷能高飛遠逝不懷人曰

禮史疏時遺之禮也人曰猶如此律何故禁之笑
律設大法禮順人情今我以禮教汝汝必無怨
待治汝何所措其手足乎一門之內小者可論大者
殺也且歸念之

避郡功臣疏

南陽守

杜詩

陛下堯成天工克濟大業偃兵修文群帥反旅海內
和萬世蒙福天下幸甚唯匈奴未滅聖德威侮二垂
虞中國邊民虛耗不能自守臣恐武猛之將雖勤亦未
為解甲櫜弓也夫勤而不息亦怨勞而不休亦怨怨恨

之師難復責功臣伏覩將帥之情功臣之望冀一
於內郡然後卽戎出命不敢有恨臣愚以爲師克在
不在衆陛下雖垂念北邊亦當頗泄用之昔湯武善
衆故無忿驚之師陛下起兵十有三年將帥和睦士
鳧藻今若使公卿郡守出於軍壘則將帥自厲士卒
復比於宿衛則戎士自百何者天下已安各重性命
臣以下咸懷樂土不讐其功而厲其用無以勸也陛
下誠宜虛缺數郡以俟振旅之臣重復厚賞加於
久役之臣如此緣邊屯戍之師競而忘死秉城拒
塞之吏不辭

其勞則烽火精明守戰堅固聖王之政必因人心今猥
用愚薄塞功臣之望誠非其宜臣詩伏自惟忖本以史
寬一介之才遭陛下創制大業賢俊在外空乏之間超
受大郡牧養不稱奉職無效久竊祿位令功臣懷愠誠
惶誠恐八年上書乞避功德陛下殊恩未許放退臣詩
家恩尤深義不敢苟冒虛請誠不勝至願願退大郡受
小職及臣齒壯力能經營劇事如使臣詩必有補益復
受大位雖析珪授爵所不辭也惟陛下哀矜帝惜其能
不許

諫復均輸

朱暉

王制天子不言有無諸侯不言多寡食祿之家不得與百姓爭利均輸之法與賈販無異鹽利歸官則下民窮蠶布帛爲租則吏多姦盜非明主所宜行也

守長久任疏

左雄

臣聞柔遠和邇莫大寧人寧人之務莫重用賢用賢之這必存考黜是以皋陶對禹貴在知人安人則惠黎民懷之分伯建侯代位親民民用和穆禮讓以興故詩云

濟濟多士
無不
幽厲昏亂

其時云四國無政不用其良又曰哀今之人
言人畏吏如虺蜴也宗周既滅六國并秦
院置吏等更立郡縣縣設令長郡置守尉
什伍相司封其民大漢受命雖未復古然
克慎廢官蠲苛救敝濟難撫而循之至於
文景天下康乂誠由立靖寬恤官人故也
降及宣帝興于仄陋綜覈名實知吏治之
刺史守相輒親引見考察言行信賞必罰
帝乃歎曰民所以安而無怨者政平吏良
也與我共此者其難哉二

石乎以爲吏數變易則下不安業久于其事則民服
教化其有政理者輒以璽書勉勵增秩賜金或遷
內侯公卿缺則以次用之是以吏稱其職人安其
世良吏于茲爲盛故能降來儀之瑞建中興之瑞
今二百餘載俗寢彫敝巧僞滋萌下飾其詐上
風聚歛聖辦爲賢能以理已安民爲劣
爲不化荒鉗之戮生於睚眦覆尸之禍

見民

虎監司

項

東

疾

見非不舉聞惡不察觀政于亭傳責成于期月言善不
稱德論功不據實虛誕者獲譽拘檢者離毀或因罪而
引高或色斯以求名州宰不覆競共辟召踴躍升騰超
等踰匹或考奏捕案而亡不受罪會赦行賂復見洗滌
朱紫同色清濁不分故使姦猾枉濫輕忽去就拜除如
流缺動百數鄉官部吏職斯祿薄車馬衣服一出于民
廉者取足貪者克家特選橫調紛紛不絕送迎煩費損
改傷民和氣未洽災眚不消咎皆在此今之墨綬猶古
之諸侯拜爵王庭輿服有庸而齊于匹豎叛命避負非

所以崇憲明理惠育元元也臣愚以爲守相長吏惠和有顯效者可就增秩勿使移徙非父母喪不得去官其不從法禁不式王命錮之終身雖會赦令不得齒列若被劾奏亡不就法者徙家邊郡以懲其後鄉部親民之吏皆用儒生清白任從政者寬其負筭增其秩祿吏職滿歲宰府州郡乃得辟舉如此威福之路塞虛僞之端絕送迎之役捐賦歛之源息循理之吏得成其化率土之民各寧其所追配文宣中興之軌流光垂蔭永世不

幽谷替岑夏含霜雪或岩嶙而纒聯或豁爾而中絕
巍巍其隱天俯而觀乎雲霓若夫天封大狐列仙之陬
工平衍而曠蕩下蒙籠而崎嶇坂坻巖薛而成巘谿壑
錯繆而盤紆芝房菌蠢生其隈玉膏滂溢流其隅崑崙
無以麥闐風不能踰其木則檉松楔榲櫟栢柎楓
櫨欒帝女之桑楮枿枿櫨栢柎楓櫨欒帝女之桑楮枿
布綠葉之萋萋敷華蘂之蓑蓑元雲合而重陰谷
起而增哀攢立叢駢青冥盱眙杳藹蓊鬱於谷底森
而刺天虎豹黃熊游其下穀獲猱玃戲其巔鸞鸞

鵬翔其上騰援飛翮棲其閒其竹則籊籊箛箛篠簜簞簞
笙緣延坻坂澶漫陸離阿那蓊茸風靡雲披爾其川瀆
則洿澼瀦濫發源巖穴潛窟洞出沒滑澑漏布濩漫汗
漭沆洋溢總括起飲箭馳風疾流湍投濺飭汎輶輶長
輪遠逝滂淚滅汨其水蟲則有蠓龜鳴蛇潛龍伏螭鱓
鱣鰐鱔鼉鼉鰐鰐巨蚌函珠駁瑕委蛇於其陂澤則有
鰕盧玉池赭陽東陂貯水鴻洿亘望無涯其草則有蘼
芣蘋莞蔣蒲蒹葭藻茆菱芡芙蓉含華從風發榮菲披
分葩其鳥則有鴛鴦鵠鷺鴻鵠鴛鴦鵠鷺鵠鷺鵠鷺鵠鷺